



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. XIV. De emptione spoliorum, & Chyrographorum. Ubi de Officialibus
Cæsareæ cameræ, aut Provinciae morosè solventibus.

urn:nbn:de:hbz:466:1-40013

nostro nondum complevit contractum solvendo pretium, ergo nec hujus Dominium transstulit in venditorem, ergo nec vendor tenetur transferre Dominium fructuum in Emptorem.

Respondeo ad primum primò retorquendo, quod etiam alluvioni fundo accreta spectarent ad Dominum, proinde ad venditorem. Vide seq. quintam. Secundò etiam axioma est, quod res suo Domino pereat, & tamen in hoc casu res non perit venditori, sed Emptori, ergo huic etiam, non illi fructificat: utrumque igitur axioma, si universaliter est verum explicandum est non tantum de Domino propriè tali, scilicet naturali, sed de omni illo, cui res in specie debetur, Laym. L. 3. tratt. 4. c. 17. num. 19: in fin. atqui Emptor est talis Dominus, ita Arnoldus Rott apud Haunold. n. 65. est igitur quoad hoc effectus fictione juris Dominus.

Respondeo ad secundum has leges esse usurarias. Less. L. 2. c. 21. n. 209, Laym. cit. Haunold. n. 68. volunt enim ut Emptor pro pretio non soluto solvat usuras, seu pro dilatatione pretij, sed dilatio pretij est quædam mutuatio, ergo usuras exigunt titulo mutui, proinde continent palliatam usuram.

Respondeo ad tertium concessa majori, & minori nego consequentiam, quia quando res vendita est frugifera, fructus veniunt etiam in estimationem constituto justo pretio, ergo nequeunt venditori reservari, aut loco eorum pensio accipi, pecunia autem est natura sua sterilis, ideo mediā negotiatione reportatus est fructus merè industrialis, ergo si vendor non negotietur pecuniā, is nequit ob dilatam ejus numerationem quidquam ab Emptore petere citra usuram,

S. XIV.

De Emptione spoliorum, & Chyrographorum, ubi de Officialibus Casse, Cameræ aut Provinciæ morosè solventibus.

242. **Q**uæres primò an licet emi possint spolia militaria rapta incolis amicæ partis, aut vindicata ab hoste eadem injustè auferente? Respondeo negativè spectato jure naturali. Affirmative vero secundum universalem consuetudinem vim legis obtinentem Wadingus Disp. 7. dub. 3. §. 2. Laym. lib. 2. tratt. 3. s. 12. n. 14. Ratio primi est, quia milites rapientes amicis non sunt Domini ra-

pinæ, quæ ratio probat etiam de receptis spolijs è manibus hostium, nam hostes spoliantes nostros amicos non acquisiverrunt Dominium in spolia, ergo nec milites eadē spolia ab hoste vindicantes. Ratio secundi, quod expediat ad acuendos militum animos contra hostem ut evadant Domini receptorum è manibus etiam in-justi hostis.

Nec

Nec referet quod Emptores vix esse queant in bona fide, quando milites spoliant amicos incolas, quia legitimi Domini nequeant esse rationabiliter inviti respectu Emptorum, cum verosimiliter nunquam restales ad veros Dominos perveniant docente quotidiana experientia Wadingus cit.

243. Quæres secundò An credita, & Chyrographa id est litteræ censuales fundatæ in dato mutuo, aut continentis jus stipendiij debiti, aut hæreditatis, aut legati &c, possint justè, & quanto minoris emi?

Respondeo primò affirmativè de dubijs, & litigiosis aut certis sed periculosis, recuperatu difficultibus respectu venditoris, & quidem tanto minoris, quanto magis sunt dubia litigiosa &c, adeo ut quandoque sit tantum periculum, aut difficultas, ut perpensis ejusmodi circumstantijs communi judicio non superent dimidium pretium, ita omnes apud Lugo Disp. 26. à n. 93. imò Wadingus dub 15. S. 1. cum Baldo & alijs ait: si non sit creditori spes magna recuperandi suos mille florenos v. g. venetijs sollicitandos propter debitoris potentiam, vel suam inopiam, aut absentiam à loco, in quo est actio intentanda posse ejusmodi actionem emi parvo pretio à Cive veneto v. g. pro centum florenis, quia debitum sic circumstantiatum in morali aestimatione plus non valet.

Amplia primò eti Civis ille ob favorem Principis, aut Officialium absque difficultate totum creditum sit obtentus; favor enim non debet Emptori nocere, sed communis hominum aestimatio taxat pretium, non favor. Less. Lib. 2. 6. 21. n. 75. contra aliquos.

Amplia secundò, quod etiam ipsi officiales Principis debitoris possint dicto pretio emere, si penes eos non stet, quod justus creditor non solvatur, sed penes Principem, aut hujus generalem questorem, quia illi non debent esse deterioris Emptoribus: monet tamen Laym. lib. 3. tratt. 9 c. 16. n. 33. rem esse periculosam quoad tales personas.

Dixi si per Officialis non stet: quia si ipsi faciant difficultatem, ob quam creditor cogitur minoris vendere, certum est eos non posse emere minoris, sed teneri in conscientia totum solvere: quia spectat ad eorum officium Principis debita solvere, Princeps autem tenetur totum, hæc ratio non urget quoad cæteros Aulicos, quibus onus hoc non incumbit, unde hi possunt, ut alij, emere minoris, etsi facile totam euincunt solutionem.

Quare minimè sunt tuti in conscientia illi Officialis Cameræ aut Provinciæ facientes difficultatem in solvendo creditoribus Capitalium interesse, nisi hi faciant donaria: quia hæc donaria in similibus circumstantijs sunt metu extorta: creditores enim donant, ne cogantur catere interesse, aut id sollicitate cum ingenti incommodo, atqui donationes metu extortæ probabiliter sunt jure naturæ irritæ. Amicus hic Disp. 18. n. 97. Molin. Disp. 135.

Quid centendum de casu ferè quotidiana nunc experientia. Accipit Camera, vel Provincia mutuo plura centena millia pro annuo interesse quinquè, aut sex per centum, contingit ob temporum injuriam aut aliunde non solvi ab Officialibus interesse per complures annos, ita ut jam æquet E. g. decem millia,

Hab 2

credie

creditor necessitatus recurrit ad Cameram, aut Provinciam petens loco decem si numerari unum mille, quia videt difficulter se quid amplius obtenturum.

Respondeo si re ipsa est moralis impossibilitas solvendi debitum interesse, aut magnam ejus partem, aut saltem aliquam ad avertendam tantum creditoris incommodum, eò quod alia Camera, aut Provincia onera magis nunc publico necessaria exhaustant aerarium, posse justificari hunc contractum: quia creditum cum his circumstantijs pluris non astimatur. Wadingus n. 4. ubi sicut Officiales, sic pro Camera, aut Provincia contrahentes excusat, ita condemnat mortalis injustitiae, si horum culpa non fiat integra, aut major pro posse solutione: quo casu obligantur rescindere contractum cum supplemento defectus.

Idem Author rectè à dato responso excipit pias fundationes in Camera, aut Provincia investitas, quia haec cedunt in publicam utilitatem, quapropter pia loca, seu Ecclesia, Monasteria &c. non sunt æquiparanda privatis creditoribus, sed citra imminutionem conservanda: quia eorum conservatio multum Reipublicæ interest.

244. Respondeo secundò ad questionem secundam credita quando sunt liquida, nec est ulla æstimabilis difficultas, aut periculum, aut emergens damnum, aut cessans lucrum in ijs acquirendis, sunt tamen immatura id est, talia, quorum terminus solutionis primùm imminet v. g. post annum, non licet ea minoris emere, Lugo n. 69. Haunold, tract. 10. num. 104. Less. n. 71. cum alijs contra Cajetanum,

Wadingum, aliósque non improbabili-
ter citato Laym, teste dissentientes,

Probatur quod non esset æqualitas inter pretium, & rem Emptam, si debitor, aut alius in hoc casu minoris emeret futurum creditum: quia res Empta, vel est summa E. g. centum florinorum post annum solvenda, aut jus præsens ad eos post annum levandos secluso omni incommodo, sed tam summa, quam jus æquivalens summa nequit minoris emi, alias titulo solius dilatae solutionis minueretur pretium summae, aut juris ad eam quod est usuratum, ut patet in mutuo, ex quo ob solam dilationem nequit quidquam petit ultra sortem: hæc sententia nunc videatur practicè certa ob propositionem 41. ab Innocentio XI. damnatam, quæ sic sonat: *Cum numerata pecunia pretiosior sit numeranda, & nullum sit, qui non majoris faciat pecuniam presentem quam futuram, potest creditor a liquid ultra sortem à mutuatario exigere.*

Unde negatur Adversarij jus ad pecuniam Chyrographo venali comprehensam in nostro casu minus valere quam ipsam pecuniam. Si dicas ex L. 204 ff. de Reg. juris minus est actionem habere ad rem, quam ipsam rem. Respondeat Haunoldus primò rotordendo Regulam juris 15. ff. eod. qui habet actionem ad rem recuperandam ipsam rem habere videtur. Secundò sic conciliat, quod prior comuniter & ferè semper sit vera, quia vix occurrit casus in praxi carens omni molestia, periculo lucri cessantis, &c. posterior vero sit vera pro casu nihil horum adferente.